

毛

詩

原

解

毛詩原解卷三十

崧

松

高維嶽。駿極于天。

叶

維嶽降神。生甫及申。維申及

甫。

維周之翰

仙四國于蕃。四方于宣。

○

亹亹申伯。王纘

之事。

于邑于謝

南國是式。試王命召伯。

叶

定申伯之宅。

叶

登是南邦。

叶平聲

世執其功。○王命申伯。式是南邦。

叶

叶平聲

因是謝人。以作爾庸。

王命召伯。徹申伯土田。

叶

傳御遷其私人。

○申伯之功。召伯是營。有俶其城。寢廟

既成。既成藐藐。

叶麥

王錫申伯。四牡蹻蹻。

叶覺

鉤膺濯濯。

王遣申伯路車乘馬。

叶母

我圖爾居。莫如南土。錫爾介圭。

以作爾寶。

叶訓

往近王舅。南土是保。

叶補

○申伯信邁。王餞

于郿眉申伯還南謝于誠歸王命召伯徹申伯土疆以

峙止其張張式遄

傅其行杭

○申伯番番潘

既入于謝

洗徒御叶蟬蟬叶

周邦咸喜戎有良翰叶

不顯申伯王之

元舅叶文武是憲叶

○申伯之德柔惠且直揉此萬邦

聞問于四國叶

亦吉甫作誦其詩孔碩其風肆好以贈申

伯叶

古序曰崧高尹吉甫美宣王也毛公曰天下復平能建國親諸侯褒賞申伯焉○朱子改爲申伯出封于謝尹吉甫送之而作此事已詳篇中故序不復贅吉甫對揚于朝而國史錄之聖人存之以表親親崇賢

封建復古之治耳。人臣立功紀勳著于小雅。人主治定功成見于大雅。詩至大雅作者之志愈遠。而序者之義愈精。故雲漢不爲救旱。以明格天之德。崧高不爲贈行。以明親賢之禮。烝民不爲贈山甫。以表使能之功。梁山不爲美韓侯。以紀馭福之柄。江漢以下。皆可知也。○一章明主中興。天生賢輔。非偶爾。崧然高大。維此四嶽。高極于天。山高者其神靈。昔嘗降靈。生甫侯。今生申伯。維此申伯。與昔甫侯。世掌四嶽。入相天子。爲周之幹。四國有患。予以蕃蔽。四方德教。予以宣布。厥功懋矣。豈人力哉。○二章申伯亹亹。然德行不倦。

先世封申今王使之繼先業以元舅入相褒賞其功
因謝邑近申加封爲牧伯使南國諸侯取法焉命司
空召伯定其邑居成是南邦之功使申伯子孫世守
之也○三王命申伯爲法于南邦因謝民以作興爾
蕃宣之功乃命召伯井牧其田稅以徹法乃命申伯
傅相及治事之官遷申伯家屬前使就國也○四申
伯謝邑之功皆召伯所經營始作城郭以安其民又
作寢廟藐藐深邃以妥其先靈謝功既成申伯將行
王錫以四馬蹻蹻然強壯馬領下有金鉤當胸懸樊
纓濯濯然鮮明也○五王遣申伯賜路車四馬告之

曰我謀爾居莫如南土錫爾以大圭作爾分封之寶
舅氏往卽爾封南土善地當保守之也 ○乾申伯行
邁信有期矣西由岐周受命于祖廟而王餕飲于郿

申伯乃南望謝邑成行其將送何殷懃也王先命召
伯徹其土疆因以所稅積其餘糧使舍館有資行李
速達所以慰藉其行者又何周悉也 ○乾申伯番番
然老成旣入謝邑徒行者乘御者喧喧衆盛周南諸
侯喜而相謂曰汝今有良翰矣豈不顯哉申伯以元
舅之親出領州牧文德武功非諸侯所取法者乎 ○
乾申伯之德柔順正直輔相王室擇服萬邦聲譽聞

于四國吉甫作歌其詩所言甚大其風動人極美以贈申伯明建國親侯中興之盛典也○崧高貌嶽嶽山東岱南衡西華北恆唐虞時有姜姓爲四嶽之官封于呂或曰卽伯夷也其苗裔在周爲齊許申甫故推本嶽神降生以美之亹亹勉強貌申本侯爵今加封爲侯伯也纘繼也繼四嶽之後也申國卽今南陽府謝在申東北百里卽今唐縣召伯召虎爲司空掌營國邑簽成也成營建之功也作興也庸功也算顯其功勲也傅相也古者諸侯皆有傅相御治事之官私家臣也遷自京師徙至謝也倣始作也寢廟後之

寢室也。藐藐深邃也。蹠蹠壯貌。鉤馬領下有金鉤。以懸樊縷。金輅之飾。賜上公同姓者也。申伯以元舅爲侯伯。故得賜之。膺馬當胸也。樊縷九就。懸當馬胸。故曰膺。濯濯鮮明也。圭諸侯之封。圭長短各以命數。上公九寸。侯伯七寸。子男五寸。或云子男璧也。介大也。貴重之稱。瑞玉曰寶。近就也。或云語辭。與彼記之子之記通。信邁果行也。郿地名。在鎬京西。岐豐東。非自鎬邇申之路。時王在岐。命申伯于文祖廟。故餞于郿也。誠歸始成行也。峙聚也。遄速也。番番猶皤皤。髮白貌。書泰誓云。番番良士。謂老成人也。舊訓武勇。按下

文以仡仡勇夫爲所不欲則番番非武勇也周邦周諸侯之國指申伯所領南國諸侯也戎汝也南邦之人自相謂也柔惠和順也操馴擾也寬猛適中之意工歌曰誦碩大也所言皆王朝封建式百辟之事故曰大也肆猶極也贈送也

崧高八章章八句○按申伯以王元舅褒封晉錫可謂厚矣未幾以幽后見黜率犬戎殺幽王而滅宗周申爲戎首焉然則宣王之褒賞元舅與後世主寵任外戚移祚篡國者何以異乎故天子有道則萬國親無道則親戚叛易曰匪寇婚媾反覆手之間而已父

子相繼宣興幽滅可不畏哉故國風存揚之水大雅
錄崧高聖人有微意焉誦者見其美而忘其規泥其
辭而不逆其志烏可與言詩矣

天生烝民有物有則民之秉彝克好是懿德天監有周
昭假格于下所保茲天子生仲山甫○仲山甫之德柔
嘉維則令儀令色小心翼翼古訓是式威儀是力天子
是若明命使賦賦○王命仲山甫式是百辟必饗戎祖
考王躬是保出納王命王之喉舌賦政于外四方爰發
○肅肅王命仲山甫將之邦國若否仲山甫明告之既
明且哲以保其身夙夜匪解懈以事一人○人亦有言

柔則茹汝之剛則吐之維仲山甫柔亦不茹剛亦不吐不侮矜鰥寡_{叶古}不畏彊禦譯叶語○人亦有言德輶如毛民

鮮上聲

克舉之

我儀圖叶土

之維山甫舉之愛莫助叶楚

之袞

職有闕

維仲山甫補之

○仲山甫出祖

四牡業業

征夫

捷捷每懷靡及

四牡彭彭

刑叶

八鸞鑿鑿

王命仲山甫

城彼東方

○四牡騤騤

八鸞喈喈

雞叶

仲山甫徂齊

式遄

其歸吉甫作誦

叶從穆

如清風

仲山甫永懷以慰其心

叶松

古序曰烝民

尹吉甫美宣王也

毛公曰任賢使能周

室中興焉

○朱子改謂宣王命仲山甫築城于齊

尹吉甫作詩送之非也

吉甫作詩備獻納

非僚友私情

普天之下莫非王土。惟王建國文武之制也。周衰諸侯強僭繼世不由天子。裂封啓土悉自己出。厲王中衰周人放之于彘。是畿甸諸侯且不知有天子而況齊遠在東隅。境內區區之城郭必以上請。豈非宣王中興之烈。足以震疊之與夫子刪詩存烝民春秋之義也。故曰詩亡春秋作。如朱說僚友相送。非關獻納何登于雅。王朝命使往來。餞送不少。詩可勝錄乎。○

章天生烝民。有形則有性。性以範形。不可踰越。故人秉常性。則好美德。所以爲萬物之靈也。況天視有周昭明降格于下。保此中興之天子。生仲山甫。名世之

賢佐其爲物則秉彝不尤超于衆民乎○

二章仲山甫

之德柔和嘉美咸中物則令儀令色外一柔嘉也小
心翼翼內一柔嘉也古訓是法學古有獲也威儀是

力動必以禮也天子是順明命使賦精忠復上不辱

使命也儻所謂有物有則者非與○

三章

王命仲山甫

曰予以汝爲法于諸侯繼汝祖父舊職保護王躬王
朝有命汝出而布之既布納而復之以爲王之喉舌

四方有事汝其賦布政教于外使之爰起而應焉○

四章肅肅尊嚴之王命維仲山甫能奉行之邦國諸侯

有賢否維山甫能明辨之既能審理又能知幾處功

名之會勿亢悔以保其身。又夙興夜寐無怠荒以奉
天子人臣之節無毫髮不盡矣。○乾人亦有言柔則
吞而茹之剛則梗而吐之。維仲山甫柔亦不茹剛亦
不吐柔如矜寡亦不侮也。剛如彊禦亦不畏也。寬猛
相濟仁義并用德之全也。○乾人亦有言德本固有
欲之斯至其輕如毛無難舉也。而民有德者少我儀
度圖謀維仲山甫能舉之心誠愛之而思助之其備
道全美無容助也。袞職有闕惟仲山甫能補之能補
不足又何不足待人補乎。○乾今仲山甫以敷政之
職王命城齊出行祖祭四馬業業不息從行征夫捷

捷敏疾人懷不及之慮也。四馬行而彭彭，八鸞鳴而鏘鏘。此行無他，齊國告遷。王命仲山甫往城彼東方耳。○軌四牡騤騤不息，八鸞喈喈和鳴。仲山甫往齊，勿久于外。式遄其歸可也。吉甫作此工歌，穆然如清微之風。仲山甫遠行，多所懷思，故陳天意。王命盛德大業以慰安其心耳。○則法也，物則如有耳目。卽有聰明，有五倫。卽有五常之類，秉執也。彝夷通常也，懿德美德也。好悅也，義理悅心也。若順也，出納既出而復也，發起應也。若否猶言減否，明于理哲察于幾，輜輕也，儀度也。圖謀也，袞職君道也，闕失也。城東方。

築城于齊也。是時齊自薄姑徙于臨菑。古諸侯之居
逼隘則王者爲遷定焉。

烝民八章章八句。○按詩稱山甫才德位望爲王保
躬補袞之臣。不可一日去王所。而城齊之役。何足以
煩之。亦異于采芑六月之命使矣。詩言袞職有闕。式
遄其歸。寓諷規之意云爾。

奕奕梁山。于維禹甸之有倬其道。于揭韓侯受命。王親命
之。纘戎祖考。無廢朕命。夙夜匪解。懈虔共爾位。叶朕命
不易。榦不庭方。以佐戎辟。必○四牡奕奕孔脩且張。韓
侯入覲。以其介圭入覲于王。王錫韓侯淑旂綏。雖章贊

弗錯衡

叶杭

玄袞赤鳥鉤膚鏗

漏

錫

陽

鄣輶淺轂

見

烽革

見

金厄

○韓侯出祖出宿于屠顯父

甫

餕之

清酒百壺

其

殻維何包鼈鮮魚其穀

速

維何維筭及蒲其贈

維何乘

馬路車籩豆有且

注

侯氏燕胥

須

○韓侯取

去

鞋妻汾

焚

王之甥蹶

貴

父

甫

之子

叶涉

韓侯迎

去聲

止于蹶之里

百兩

彭彭

叶邦

八鸞鏘鏘

不顯其光

諸姊從之

祁祁如雲

韓侯

顧之爛其盈門

○蹶父孔武

靡國不到

爲韓姞相攸

莫

如韓樂

叶開

孔樂韓土

川澤訏訏

叶許

鯈鰋

叶教上聲

甫甫麋鹿

嘆嘆

叶諺

有熊有羆

叶惠

有羆有虎

慶既今居

韓姞燕譽

叶詠

○溥彼韓城燕

烟

師所完

以先祖受命

因時百蠛

王錫

韓侯其追其貊奄受北國因以其伯寶墉寶堅寶畝寶
籍獻其貔皮皮赤豹黃羆

皮赤豹黃羆

古序曰韓奕尹吉甫美宣王也毛公曰能錫命諸侯

○按古者嗣君在喪稱子喪畢以士服見王王策命

錫車服歸始爲諸侯厲王中衰諸侯繼世不稟命宣

王中興韓侯初立來朝尹吉甫作此詩故序目曰韓

奕言命韓奕奕然也序不本其事者詩言入觀王命

纘考則繼世也言鄭鞶淺幘則喪畢也禮喪車鹿淺

幘革飾詩具故序不贅序者志也志美宣王中興能

錫命諸侯而朱子謂錫諸侯爲常事非也若使天子

常能命諸侯則幽厲不衰王跡不熄而春秋不作矣如天子錫命諸侯爲常事則蓼蕭湛露形弓不足誇盛美矣又謂春秋戰國亦有行之者夫春秋戰國何嘗知有天子哉平王命晉文侯惠王命齊桓公襄王命晉文公顯王命秦孝公此四王者辱王非興王也亂命非治命也有所要挾不得不命非力能制命也如宣王之命韓侯能命亦能討能予亦能奪然後謂之王有南征北伐平淮會洛之功然後有封申錫韓之命治亂邪正何可相比乎然美中興而並及娶妻何也王室乂安邦國和平康侯晉錫歸國嘉禮時舉

猶二南之桃夭芣苢太平之象可徵天子有道則諸侯秉禮親喪畢入觀歸而後議婚道揆法守秩然可觀與春秋諸侯在喪親迎者得失相違遠矣所以美之○一章奕奕然高大之梁山韓國之鎮昔禹所甸治也今王嗣禹功而中興梁山道路頓覺開展倬然大明矣韓侯由此來朝王親命曰汝其繼汝祖父于家勿廢朕命于國夙夜匪懈敬恭爾位凡朕所命慎勿變易攘逆除亂牧伯之職苟有不來庭之方宜榦正以佐汝君也○二章韓侯入觀乘奕奕之四馬甚脩長肥張執分封之大圭合瑞于王王所錫予有文龍之

善旛羽毛綏垂以爲章有車以竹簾爲蔽畫錯文于衡有服以玄帛畫龍爲袞及赤色之舄有馬飾領下以金鈎懸樊纓于膺飾馬額以鏤金之錫大喪初除乘藻車用去毛之輶輓軸中之輶用無毛之棧皮覆軸上爲幘用革爲馬轡首之儩用金爲小環而溢瓦束其革也○三章韓侯旣覲將行爲祖道之祭出宿于屠王使公卿餕送清酒百壺殼有魚鼈鮮魚菜有筍蒲贈行有四馬與路車邊豆且然盛列與韓侯相燕飲也○四韓侯歸國大喪旣除嘉禮載舉其屬王之甥乃卿士蹶父之女親迎于蹶父之邑其車百兩彭

彭衆盛四馬八鸞鏘鏘和鳴禮儀不其光顯乎諸娣從嫁者祁祁徐靚如雲之多韓侯視之爛然滿門庭也○軒轅父爲王卿士材力甚壯經營四方無國不到因爲其女韓姞相出嫁之所惟韓甚爲樂土川澤

之大許許鯀鯉之大甫甫麌鹿之衆麌麌有熊羆貓虎皆山澤之產蹶父喜此善居而韓姞今歸燕安譽樂矣○軒溥哉韓國之城先王分封命召康公率燕國之衆脩築完固舊矣今王以韓先祖受命世爲牧伯因其國近百蠻命韓侯以追人貊人奄受北方之國而爲之伯教以脩其城深其池治其田畝清其稅

籍各以地所有或貔皮或赤豹黃羆之皮以時入貢
此皆牧伯之事也○奕奕大也梁山韓地山甸治也
倬明也道路也韓先世武王之子封韓後爲晉所滅
左傳邗晉應韓武之穆也受命繼立稟王命也榦正
也不庭方四方之國不來王庭者也戎汝也辟君也
孔甚也脩長也張肥大也淑旛旛之善者綏垂貌以
鳥羽或旄牛尾注于旛竿之首爲表章也刻金曰鑄
錫馬額飾也眉上曰揚金色光圓如日故曰錫也轂
軾中也淺俊通皮之無毛者幘幙同覆也以皮覆軸
上手憑處周禮喪車有五藻車用鹿淺幘革飾喪初

除不用盛飾也金厄以金爲小環陸續東之厄檼通
束也屠近西京地名顯父猶言顯者公卿貴臣也餞
王命餞行也菽菜也筍竹萌蒲蒲藷皆以爲菹也贈
王命贈行也卿大夫車無路名且甚多之辭侯氏諸
侯在王所之稱胥相也汾玉厲王也厲王流于彘死
汾水上姊妹之子曰甥蹶父周卿士姞姓妻之女弟
曰娣諸侯娶一國之女同姓二國媵之所娶者爲嫡
二國爲媵嫡有娣有姪媵亦有娣有姪一娶九女也
故曰諸娣祁祁徐靚淨也如雲多而美也武壯也娶
國不到奉使也韓姞韓侯妻蹶父之女也訏訏甫甫

皆大也。曠曠衆也。貓似虎而小。燕安也。譽豫通樂也。
燕召康公封國也。追貊。北方夷狄國名。奄覆也。全有
曰奄伯。一州之長牧伯也。墉城也。罌池也。所部諸國
城池也。畝田畝籍版籍所部諸國田賦也。獻諸國所
當貢之物。貔豹屬。

韓奕六章章十二句

毛詩原解卷三十一

江漢浮浮武夫滔滔叶匪安匪遊淮夷來求既出我寧
既設我旗匪安匪舒淮夷來鋪○江漢湯湯武夫洸洸
光經營四方告成于王四方既平王國庶定叶平時靡
有孚孚王心載寧○江漢之滸王命召虎式辟四方徹我
疆土匪疚匪棘王國來極于疆于理至于南海叶對對○王
命召虎來旬來宣文武受命召公維翰仙無曰予小子
召公是似又叶肇敏戎公用錫爾祉○釐雜爾圭瓚秬鬯
一卣因叶告于文人錫山土田叶于周受命自召祖命
虎拜稽啓首天子萬年林○虎拜稽首對揚王休树作

召公考叶天子萬壽叶守明明天子今聞門不已矣其文

德洽此四國

古序曰江漢尹吉甫美宣王也毛公曰能興衰撥亂
命召公平淮夷成○按周京偏在西隅去東南遠故淮
夷最難服成王初立周公東征三年滅國五十而後
徐淮定伯禽封魯亦爲東土重也厲王中衰四夷交
侵至宣王北逐玪狁南平荆蠻而淮夷猶未附初命
召虎經營再勤六師親討必東土寧而後西京安此
江漢常武所以爲宣王之終事繫大雅之末簡聖人
刪詩次第可見而周之興衰始終由東征其故亦可

考而知也○一

章江漢二水浮浮合流武夫滔滔東下

肅將天威不敢安處不敢慢遊淮夷不附是以來求也既至淮浦出我戎車張我旂旗聲罪致討不敢安

寧不敢舒緩惟淮夷不附來鋪陳以伐之也○二

章江

漢之流湯湯武夫之勇洸洸淮夷亂我四方王師經營不戰而服遂告成功于王淮夷服則四方平四方平則畿甸安時無復有爭戰之警而王心則寧矣○

三章召虎既成功于江漢之滻王命召虎就彼開墾疆土以徹法平其賦稅戎事甫定卽行疆理匪病民匪急功也率土歸王使一體成賦來取則于中邦耳乃

往正其疆界條理至南海而止也○勗武功旣成疆

理旣定王乃命召虎曰南民不沾王化爾來茲偏布

政教厥功大矣昔我文武受命汝祖康公實維翰幹

今汝無曰爲予小子之故惟爲爾祖康公是似續耳

爾旣開大其功我用錫爾以福祉矣○五章賜爾以圭

柄之瓊秬鬯之酒盛以一卣使歸祀其先祖又告于

岐周文王之廟錫爾山川土田以廣其封邑爾祖康

公昔自岐周受命于文祖今使爾重光世德祖孫濟

美虎拜稽首惟祝天子萬壽也○六勗虎拜稽首對王

颺言休美曰虎以孫繼祖作召公之成皆天子之賜

臣無能報答願天子萬壽盛德日新令譽無窮陳文
德以洽四方分徒矜武功而已○江漢解見周南漢
廣篇二水居東南上游伐淮舟師順流而東也鋪陳
兵也洸洸武貌經營猶言料理告成奏捷也來極猶
言歸極則壤視中國也旬徧也宣布也召公召穆公
虎祖康公奭也肇開也敏大也予小子王自稱公功
也釐賜也九命賜圭瓚秬鬯秬黑黍釀酒和香草羹
之曰鬯言香氣充鬯也卣中尊也人文德之人卽
文王也古者爵人必于宗廟示不敢專也文王廟在
岐周于周往岐周也稽首首至地也對對王前也因

王命而答之揚大言也與書臯陶稽首颺言之颺同
休美也作爲也考成也爲祖召公成終也前作後繼
則作者有成矣矢陳也文德文教也作召以下皆對
揚之語

江漢六章章八句

赫赫明明王命卿士所南仲太祖太師皇父甫整我六
師以脩我戎汝旣敬旣戒叶急惠此南國亦○王謂尹氏
命程伯休父左右陳行杭戒我師旅率彼淮浦省醒此
徐土不畱不處聲上三事就緒上○赫赫業業叶有嚴天
子王舒保作匪紹匪遊徐方繹騷索震驚徐方叶如雷

如霆徐方震驚○王奮厥武如震如怒叶進厥虎臣魯閼

如虓孽虎鋪敦淮濱焚仍執醜虜截彼淮浦王師之

所○王旅嘽嘽叶如飛如翰去聲如江如漢如山之苞叶

如川之流繇繇翼翼不測不充叶灌征徐國叶○王猶

允塞徐方旣來叶徐方旣同天子之功四方旣平徐方

來庭徐方不回王曰還歸叶类

古序曰常武召穆公美宣王也毛公曰有常德以立
武事因以爲戒然○朱子改爲宣王自將以伐淮北
之夷詩人美之非也按宣王自將詩旣言之矣淮北
淮南後人臆說耳前篇由江漢進師爲南此篇由淮

浦達徐爲北師行便利不固總之淮土前篇召虎經營疆理功成可謂有丈人之貞未幾淮夷復叛宣王欲一大創之故不復用虎而命皇父程伯六師親征憲前之不武也蓋周京僻在西隅東距淮海遼遠終周之世叛附無常召公謂惟德可懷遠天子躬擐甲胄遠問荒裔不可爲常故詩美其事以常武命篇虞人之箴曰武不可重用不恢于夏家常武之謂也故二篇末致諷規之辭卒也西周之禍不在淮夷近在西戎乃見詩人獻替之忠江漢後繼以常武乃知聖人刪定之意斯善言詩也豈徒取南北爲目已乎○

一章赫赫明明天子親命大將實維王之卿士昔者南

仲乃太祖而卿士其孫也官爲太師字稱皇父王命之曰爾整齊我六師脩我兵戎敬哉勿忽戒哉勿踈

淮夷侵陵今將親征惠此南國也

二章既命大將乃

擇偏裨王謂內史尹吉甫曰爾以策書命程國之伯名休父者爲司馬訓飭紀律使左右陳列申約誓以

戒師衆率循淮水之涯省視徐土此行不夕畱不停

處不妨三農使各就業也

三章

王師啓行赫赫光顯

業業震動六飛親駕尊嚴哉天子舒徐保安而行不
張皇亦不紹緩慢遊徐方間風絡繹擾震驚天威

如雷霆交作不勝其震驚矣○韜既至徐方王奮威
武如雷震怒進其虎臣闢然奮揚婉猛如虎厚積其
陣于淮水之涯不勞力而就執衆虜截然淮浦皆王
師之所敢有負固盤據者乎○韜王師蟬蟬然衆盛
如鳥飛翰奮揚之速也如江漢之水浩淼無際也如
山之苞靜不可撼也如川之流來不可禦也絲絲然
密不可衝而絕也翼翼然整不可驚而亂也神謀不
測不可知也萬全不克不可勝也以此濯然洗征徐
國宜其一戰而定也○韜兵貴謀而賤戰治貴德而
賤功王師固威武王猷本信實所以徐方既來耳來

則同爲王民。王土是天子之功也。諸臣何力之與有。
惟王廟謨萬全。宇內回心。四方盡平。彼徐方小醜自
來在王庭。無復反側。兵可長不用矣。於是王乃曰。予
其班師還歸矣。○卿士皇父之專官太師三公。皇父
之兼官南仲。文王時大將。征玁狁。西戎者也。尹氏尹
吉甫。官內史。掌策命。程伯爵。休父。其名也。三事。三農
耕耘。穫三時也。或曰原隰平地也。或曰上中下農也。
緒事端也。就緒不中輟也。卽耕不變耘不止之意。業
業。震動貌。舒徐也。保安也。作行也。紹緩也。遊慢遊也。
繹連絡也。騷躁擾也。闡奮怒也。虓虎怒貌。鋪敦陳師

厚積也。漬涯也。仍執就執之言易也。虜囚也。嘽嘽衆盛也。飛鳥飛也。翰飛之疾也。如江漢言衆也。濯掃蕩滌除之意。

常武六章章八句

瞻仰

仰

昊天則不我惠孔填

頽

不寧降此大厲邦靡有

定士民其察

倚

蟊賊蟊疾靡有夷届罪罟不收靡有夷

瘳

抽

○人有土田女

汝

反有之人有民人女覆奪之此宜無罪女反收

升

之彼宜有罪女復說

麗

之哲夫成城哲婦傾城○懿厥哲婦爲梟爲鴟婦有長舌維厲之階

亂匪降自天

升

生自婦人匪教匪誨時維婦寺○鞠

菑人枝

至賦諧僭

始竟背

北叶

豈曰不極伊胡爲惡始賈

古三倍君子

是識婦無公事休其蠶織

天何以刺

砌叶

何神不富

費叶舍爾介狄維予胥忌不弔不祥威儀不類

人之云亡

邦國殄瘁

○天之降罔維其幾矣

人之云亡心之悲矣○

心之憂矣天之降罔維其優矣

人之云亡

心之悲矣○

感必沸

弗櫩改叶

泉維其深矣心之憂矣寧自今矣不自

我先不自我後

虎叶藐藐昊天無不克翬

卦無忝皇祖式

救爾後

虎叶

古序曰瞻邛

凡伯刺幽王大壞也○朱子改爲刺幽

王嬖褒姒任奄人以致亂之詩按褒姒奄人據篇中

婦寺爲言序標其志而已○一瞻仰昊天不愛惠民
甚顛危而不安降此大惡使邦國搖杌人民瘵病小
人在位始害苗之蟲爲民賊疾無有平止以刑罪爲
網罟張布不收無有平愈也○二章小人恃寵專恣人
有土田以養廉沒反貪而有之人有民人以待治汝
覆強而奪之所以爲蟲賊也此宜無罪反收納于刑
彼宜有罪反僥倖得免所以爲罪罟也其致此者由
婦人耳男子有智則能保障邦國婦人多智干預外
政則破國傾城矣○三哲婦雖懿美其凶爲梟其妖
爲鴟其長舌巧佞爲禍之階亂非天降起于婦人王

不親君子誰與教誨左右前後維婦人與寺人耳其能免傾城之禍乎○四軫婦寺窮人以忮忒譖人于始而終背其實豈不極惡彼方怡然自得不以爲懲也王勿使預公事猶可今王信之始賈人三倍之利賤丈夫所爲君子心識之婦人無外事今乃休其蠶織干預朝政其忮忒可勝言乎○五天何爲責王神何爲不福王乎王可自省矣是必有夷狄大患王舍此不忌反忌予之忠言不憂其不祥威儀又不善賢人相率亡去邦國不殄絕瘁病乎○六天降禍網惟其優而多矣賢人引去我心懼而憂矣天之降網惟其

幾而危矣人之云亡我心哀而悲矣○七感涕上湧
正出之泉其發源深矣我心之憂非自今日然耳生
當此時人力無如何惟高遠之昊天雖壞亂亦能鞏
固苟王能改悔脩德任賢無忝皇祖則天意猶可回
用以救爾之將來也○七墮顛通危也療病也蟲害苗
之蟲夷平也届極也瘳愈也梟惡鳥食母者也鴟妖
鳥鵠鶡也婦寺婦人與寺人也鞠窮也忮害也忒變
詐也竟背終不驗也極惡極迫慝惡也刺謹也富福
也介大也狄夷狄也不類不善也亡散亡也罔網同
厄難也優多也幾危也咸沕泉湧貌華固也

瞻卬七章三章章十句四章章八句○按毛傳二章
十句朱子以哲夫二句屬三章今從毛

旻天疾威天篤降喪叶瘞頤我饑饉民卒流亡我居圉

語

卒荒○天降罪罟蠭賊內訌紅昏椓牛靡共恭潰潰

回遹賓竚夷我邦叶平聲○臯皇訛訛曾不知其玷蒸兢

兢兢業業孔填顙不寧我位孔貶○如彼歲旱草不潰茂

十
聲

如彼棲

西
首

叶上

我相象

此邦無不潰止○維昔

之富不如時維今之疚不如茲彼疏斯稗叶備胡不自替

職兄

況

引
齊

○池之竭矣不云自頻

叶平聲

泉之竭矣

不云自中溥斯害矣職兄斯弘不戩我躬○昔先王受

命十
案有如召公。日辟國百里。今也日蹙國百里。於乎哀以哉。維今之人不尚有舊。

古序曰：召旻，凡伯刺幽王大壞也。毛公曰：旻，閔也。閔天下無如召公之臣也。○朱子改爲刺幽王任用小人以致饑饉，侵削此詩中所已言。序云：大壞見天下事不復可爲而宗周遂滅耳。小雅終召之章，何草不黃？大雅終瞻印召旻，皆悲惋悽切所謂亡國之音也。昔周道興而召南作，今周將亡，故詩人思召伯，因以召旻，命篇毛公曰：旻，閔也。閔天下無如召公之臣，言皆譽揚，韋訛之輩辭約而意該矣。朱子詆爲不成文。

理過也○

章一

是天乎，何急爲暴虐也。是以天心不佑。

厚降喪亂病我以饑饉小民盡至流移中國之邊圉。

盡至荒虛皆小人致之也○

章二

天降刑罪罔陷天下

小人爲蠹賊居中訌亂皆司閭刑餘之人靡有靖恭

之節潰潰然邪僻而已乃使之安靖我邦所以招亂

耳○

章三

臯臯然頑慢訛訛然謗毀若此輩者王曾不

覺其玷缺兢兢業業甚危而不敢安寧如我輩者位

反貶削其顛倒如此○

章四

今天下如歲旱百草枯槁

不得遂暢如樓木之腐草無復生意我視此邦無有

不潰亂者矣○

章五

昔日天下豐富不如今時之貧今

日百姓疾病未有如此之甚者以小人用事無君子故也彼小人如疏糲之米斯君子如精細之稗胡不自廢替以避君子乎乃專主滋甚爲害日引長而無已也○

六
乾池水由外灌而滿今其竭也不曰由涯之

不入乎泉水從中達外今其竭也不曰由中之不出乎國之將亡中外耗竭本由小人今爲害已溥而猶專滋弘大不思國旣亡矣裁害不自及其身乎○

七
乾昔我先王受命有如召公奭日開國百里人心歸附日甚一日今也人心離散日蹙一日亦可哀矣嗚呼今之人豈不尚有耆舊雖有而亦終不能用矣○是

天託天呼王也。疾急也。暴虐也。喪亂亡也。痕病也。証
潰也。畧作閼。司宮門者。奄人也。涿斷也。刑餘之人也。
共恭同靡共不恭敬也。潰潰亂意。靖安也。夷平也。皇
臯。緩慢不供職也。訛訛謗毀也。潰茂邃長也。樓苴浪
草。樓木上者也。疏糲米也。粢。細米也。粟一石。得糲米
六斗糲十。得粢九。繫八侍御七也。替廢也。職專也。兄
況通滋也。頻瀆通水涯也。

召旻七章四章章五句三章章七句

毛詩原解卷三十一 大雅終

毛詩原解卷三十二

郝敬習

周頌

頌者天子宗廟之樂歌古文頌與容通王者太平功成美其盛德形容以告于神明其辭從容悠遠故曰容如清廟等篇亟謳則乏響以其言太永而聲遠也故曰清廟之樂一唱三歎有餘音者此也凡頌皆樂歌如訪落敬之等篇或不爲祭祀作而皆以絃頌告於廟故同爲頌

清廟之什

毛詩原解

卷三十二

十

自此至思文凡十篇

於穆清廟，肅雝顯相。濟濟多士，秉文之德。對越在天，駿奔走在廟。不顯不承，無射。亦於人斯

古序曰：清廟祀文王也。毛公曰：周公既成洛邑，朝諸侯，率以事文王焉。○按成王初立二年，周公以流言避居東。三年至五年，公奉王東征。六年營洛。七年王朝祭于洛。此詩卽洛誥所云：王在新邑，烝祭歲之樂歌也。○一章於哉穆然，幽深清靜之廟。祀事肇舉，羣后咸集。皆肅肅而敬，雍雍而和。光助予一人也。濟濟然執事之多士，皆秉執文王之德，相與對接，發揚其在

天之神駿疾奔走其在廟之主。今日人心猶昔左右
辟王之人心。豈不光顯。豈不欽承。久而彌新。無有厭
射于人乎。○對接也。越發揚在上之意。或曰於也。駿
疾也。顯光也。承奉也。射厭也。

清廟一章八句。○此篇卽樂記所謂清廟之歌。有辭
而無韻。不貴聲也。懸一鐘。尚拊膈。朱絃而通越。一唱
而三歎。有餘音者。此之謂也。

維天之命。於烏穆不已。於呼不顯。文王之德之純。
假格以溢我。我其收之。駿惠我文王。曾孫篤之。

古序曰。維天之命。太平告文王也。○太平治功成也。

頌告成功者也成王周公之世天下和平制禮作樂皆文德所貽故以告廟不言治功而言天命文德者治具鋪張非太平也故曰爲政以德王者之民皞皞上下與天地同流政不本于德皆驩虞小補道不通于命非王民之皞皞太平無象故以天命於穆文德不顯形容其至天無言而萬物生聖人無爲而萬民化此以爲太平也○一章天之造化發育莫非命也於乎穆然深遠運行而不息者天也於乎淵微不顯文王之德純然精一不雜者聖人也天道聖德同體並運所以致太平也文王以聖德格天在帝左右其餘

澤波及我後人我當收之不敢失墜大順我文王之德而因以格天豈惟今日繼此爲曾孫者傳世愈遠培植愈厚則文祖常格而天命可長保矣○假與格通合虛曰假饒衍曰溢駿惠大順也卽儀刑文王萬邦作孚之意

維天之命一章八句

維清句緝熙文王之典

丁肇禋

迄用有成維周之禎

古序曰維清奏象舞也○按樂有歌有舞歌以爲聲舞以爲容容備謂之奏容所以象也有戰伐之功則舞以象之如文王戡黎伐崇遏密大雅云文王受

命有此武功故象以舞而此其歌也序不言文王何
也詩言文王之典矣不言祭文王何也凡頌皆祭也
朱子改爲祭文王之詩複說也古序不作此等語○

一章周道所以清明者惟其能繼續熙明文王之典常
也有二新命肇開一代之禋祀迄于後人用之續集
大統竟底有成豈非周之祐祥也哉○清世清明也
緝續也熙明也廣也文王之典造周之法也治岐之
政二南之化皆是也肇開也禋祀也迄及也用繼述
也有成成王也祐祥也

維清一章五句○按清廟以下三詩玄遠冲淡皆所

謂大雅之音文王之至德也故以首頌

烈文辟必公錫茲祉福惠我無疆叶子孫保之無封

靡于爾邦維王其崇叶之念茲戎功繼序其皇之無競

維人四方其訓叶之不顯維德百辟其刑糾之於乎前

王不忘

古序曰烈文成王卽政諸侯助祭也○按成王七年周公畱洛王始親攬大政諸侯來朝王率之以祭于祖考此祭而獻諸侯之詩此諸侯猶多盟津之諸侯故嘉迺功戒勿忘先王美篴之意備矣○一章武烈文德之辟公夾輔先王克定大業今日祉福皆辟公錫

之惠我無疆子孫世保之也爾有邦而不自封殖侈靡率附我先王我先王既尊崇汝矣予亦念此大功繼世而嘉美之也我先王謂莫强于人不可力服惟脩德則四方訓服莫顯于德惟有德則百辟式刑能訓能刑吾爲子孫與爾爲臣均蒙其庇也於乎先王不可忘哉○烈文猶言功德也辟公諸侯也封專利也靡奢僭也崇尊也繼序嗣立也皇美也訓順也刑法也

烈文一章十三句

天作高山大王荒之彼作矣文王康之彼徂叶入矣句

岐有夷之行於子孫保邦

古序曰天作祀先王先公也○按此爲四時之祭時祭則四親與太祖而祧廟不與成王之世時祭當自太王以下上及后稷先公指后稷先王指太王以下也然詩止頌太王文王不及后稷王季者時祭之樂非一章此舉王跡所自起功德最著者歌于太王文王廟者耳朱子但謂祀太王不兼文王以其間遺王季也然詩并頌二王安得獨爲祀太王既祀太王文王又安得遺后稷與王季序說是也○一章我周王業肇自太王成于文王天作岐山以開王跡太王始荒

治之彼民不憚遷徙而營作矣文王嗣興惠鮮懷保從而安康之彼民日趨赴而往徂矣是以岐山爲萬邦歸往有平夷之道路無復向之險阻子孫宜世世保守慰二王在天之靈可也○荒治也治荒曰荒猶治亂曰亂也徂往也

天作一章七句○舊註徂矣爲句朱以徂作阻連岐字爲句今從舊

昊天有成命叶二后受之成王不敢康夙夜基命叶宥密於鳥緝熙叶覃厥心叶拊肆其靖叶之

古序曰昊天有成命郊祀天地也○朱子改爲祀成

王之詩非也古者冬至合祀天地于郊此詩頌昊天
而不及地如人稱父而不及母統于尊也故曰郊社
之禮所以事上帝樂非一章此其刪存之一耳昊天
難名卽文武受命以頌天故大雅文王之篇云上天
之載無聲無臭儀刑文王萬邦作孚言天必言聖聖
同天也成王云者猶大雅下武云成王之孚書酒誥
云成王畏相皆成就之義非成王誦也不敢康基命
單心皆頌文武功德宥而寃者天之德密而深者地
之德中庸云溥博如天淵泉如淵二后所以德配天
地也朱子改爲祀成玉則詩當作于康王後郊廟之

歌周公所定一代憲章後王詩焉得列天作我將之
間周頌三十一篇無康王以後詩泥文生解引國語
爲徵按國語解成字之德無以辨其必爲王誦也其
云德讓信寬固和皆所以基命成其爲王者也若皆
謂美王誦則二后不過應受而成王功德遠過祖考
豈詩人立言之意周家基命由二后蘇軾謂成王非
基命之主是矣又據商頌祀武丁謂周頌亦當有康
王以後詩夫商頌古樂僅存無容再刪周公所定內
外百祀之樂夫子刪存止三十一篇焉得更有後人
制作雜其中有之亦當附小芟載芟後不宜攬入祖

考廟樂之前不然則頌亦錯亂矣豈但序不足信乎
又據周禮圓丘方澤謂天地不當合祀蓋信以周禮
爲周公之書承訛久矣夫廟祀考妣合食王者父天
母地母不得別父地不得殊天陰不得離陽妻不得
違夫此理甚明今拘周禮謂天地當分祀則自不肯
以此詩爲郊祀天地之詩何怪乎或曰周郊配稷詩
不及稷何也獻祖之樂與天異思文所以獻稷也○
一章昊天有已成不毀之命文武二后受之以成一代
王業而不敢卽安也夙夜憂勤以承藉此命者其德
宥焉寬宏配天之廣密焉幽靜應地之深於哉繼續

光明單盡其心故能咸和永清安靖天下受命而成其爲王也敢負天之成命乎○成命已成不易之命二后文武也成王成就王業也基承藉也宥寬宏也密靜深也單盡也肆遂也靖安也安定天下也

昊天有成命一章六句○舊作七句愚按二后受之連下九字當爲一句寶止六句

我將我享叶維羊維牛維天其右叶之儀式刑文王之典叶日靖四方伊嘏叶文王旣右享叶之我其夙夜畏天之威于時保叶之

古序曰我將祀文王于明堂也○古天子冬至郊祀

天地一陽初生氣本無形故禮不責物掃地行事器用陶匏牲用犧配以始祖古之郊祀也周公制禮每歲季秋享帝于明堂帝者天之神生物之主物至秋

而形成故祭備牲牢配以父郊天報始享帝報成郊

配后稷始于祖之義也明堂配文王成于父之義也

○_{一章}我所將奉所獻享維羊維牛物至微耳天其佑

助我享之乎不敢必也天之佑享諒不在物惟自託

于文王庶可格天我今儀法之式用之刑成之以我

文王之典日見諸行事安靖四方天意安民而文王

之典能安民是天所福嘏也福文王必歆文王所配

之祭佑而享之必矣然我不敢遂懈也其夙夜無忘
畏天之威保此佑享之意而已矣

我將一章十句

時邁其邦昊天其子之寶右序有周章薄言震叶止之莫
不震疊懷柔百神叶傷及河喬嶽叶葉允王維后叶赫明昭有
周式序在位叶立載戢干戈載橐叶改矣叶我求懿德肆于
時夏叶火允王保叶彼之

古序曰時邁巡守告祭柴望也○天子五年一巡守
徧歷四方會諸侯于方嶽之下燔柴升煙以告天山
川遠者望而祭之周公成文武作禮樂此爲巡守祭

告之歌戢干戈橐弓矢皆武王事而序不及武王者
後王巡守祭告通用之故名肆夏取篇末肆于時夏
語節周禮鐘師九夏之一也禮戶出奏肆夏牲出入
奏韶夏四方賓來奏納夏皆以鐘夏大也歌之大者
周語曰金奏肆夏繁過渠天子所以饗元侯也韋昭
注云肆夏一名樊韶夏一名過納夏一名渠周禮九
夏之三也過執競也渠思文也○章王者奉天命爲
天子四時巡行邦國昊天其以之爲子乎今觀天意
寶尊序我周矣人心久玩薄加警動莫不震懼祭告
天地羣神及所在山川無不懷柔人神受職天意可

知信周王爲天下君也。然何以承天之意乎。明昭哉。
有周用慶讓黜陟之典。殿最在位之諸侯。又斂其干
戈。韜其弓矢。求懿美之德。陳于中國。信乎王之能保
天命矣。時四時也。虞書曰。歲二月東巡守至于岱
宗。五月南巡守至于南嶽。八月西巡守。十一月北巡
守。是也。其子之冀望之辭。右尊也。尊序之於諸侯上
也。震動也。疊懼也。懷來也。柔安也。河。大河也。喬嶽高
山也。河爲百川之長。嶽爲羣山之宗。式序考績也。懿
德美德。謂文教也。肆陳也。夏中國也。

時邁一章十五句

執競武王無競維烈亮不顯成康上帝是皇自彼成康
奄有四方斤斤其明告鐘鼓喤喤磬筦管將將第降福
穰穰降福簡簡威儀反反旣醉旣飽福祿來反

古序曰執競祀武王也。○朱子改爲祭武王成王康
王之詩非也。頌武王僅二語而頌成康過爲鋪張文
義不類蘇軾謂周奄有天下不自成康始得之矣。祀
成康則此詩作于康王以後。周之禮樂定自周公。是
篇所謂過卽韶夏者也。禮牲出入奏韶夏天子以過
饗元后。康王以後昭穆之季未聞有繼周公作禮樂
者。卽有新聲。豈可以配九夏乎。云成康者。武王成功

康定天下猶酒誥言成王大誥言寧王云爾凡詩書
言武成康寧多頌武王而王誦王釗率祖考爲謚耳
豈凡言成康者卽爲二王乎○明主立功在乎自

一章

明主立功在乎自

強能執持自強不息之心者惟武王故功烈之盛天
下莫強焉豈不顯哉其能成王業安定天下是以上
帝立之爲君也自武王成功安天下奄有四方斤斤
然昭明之敷光于四表今日之祀鐘鼓喤喤然磬管
磬磬然神降福穰穰然降福旣簡大孝子威儀愈謹
慎是以神人醉飽福祿之來反覆不已也○皇君也
彼指武王奄有全有也斤斤明之察也喤喤和也將

將集也。穰穰多也。簡簡大也。反反慎重也。反復也。

執競一章十四句

思文后稷克配彼天。立我烝民。莫匪爾極。貽我來牟。
由叶謀

帝命率育。
由叶謀

無此疆爾界。
由叶謀

陳常于時夏。
由叶謀

古序曰：思文后稷配天也。○詩言配天德也。序言配天祭也有是德。故有是祭。此其樂歌也。周禮謂之納夏。一名渠百穀。獨舉來牟者來小麥。牟大麥也。冬至郊祀。惟二麥生。易所謂復見天地之心者也。乾爲金。麥金王則生。廢則死。歷四時而成。謂之首種。爲百穀繼絕續乏。春秋無麥則書。故郊稷特舉之也。
一章仰

思文德之后稷真能配天。天能生民，不能使民自養。所以粒食我衆民者，莫非爾德之極也。誕降嘉種，貽我以二麥。皆上帝之命，徧養下民者，惟稷代天敷教。民食足而禮義生，無此疆爾界。布陳常道于諸夏，厚生正德，孰匪其功？信乎文德配天也。○文文德也。綏治以文立作，粒書云烝民乃粒率育，徧養也。常人倫也。時是也。夏中國也。

思文一章八句

毛詩原解卷三十三

臣工之什

自此至武凡十篇

嗟嗟臣工敬爾在公

叶王釐

爾成來咨來茹

叶孺

嗟

嗟保介叶維莫之春亦又何求

叶懇

如何新畬

叶御

於皇來

牟

叶將受厥明

明昭上帝迄用康年

叶林

命我衆人

叶序

止乃錢

剪鉢博叶字

奄觀銍

質艾刈

古序曰臣工諸侯助祭遣於廟也○朱子改爲戒農
官非也戒農官何與於頌諸侯守土民事爲先故風
歌七月以戒君雅陳楚茨以刺時商頌以稼穡免禍

謫洛誥以明農敍正父孟子謂三王巡守諸侯述職
以田野治爲慶故于來朝助祭歸而申飭王章稼穡
其首務也周先公力農開國故告于廟以祖德訓之
所以爲頌呼保介者車馬臨行之辭介甲也勇士衣
甲立車右爲保護月令參保介之御間是也將行呼
保介猶敢告僕夫之意宗廟之祭以仲春諸侯朝正
來二月助祭畢歸及莫春矣二麥將熟故卽時物告
之○一章嗟爾從行臣工歸矣尚敬慎爾之在公乎王
賜爾以舊章其來咨謀之來茹度之勿自用自專棟
成法也爾保介歸矣念民事在農農事在春今已春

莫他又何求二歲之新田三歲之畲田如何乎無有
荒蕪未闢者乎美哉二麥將熟秋稼繼之天賜昭明
不爽迄秋又將豐年矣早命農夫具鋤鋤芟治田畝
奄忽之間觀持鐮以刈稻矣不先事而可望穫乎○
臣工諸侯之羣臣百工呼其臣戒之所以戒諸侯也
公公家也釐賜也成成法凡禮樂制度諸侯當守者
皆是莫春夏正三月周正建子而朝聘祭享仍用夏
時田二歲曰新田三歲曰畲序具也鋤鋤也刀屬鋤
鋤也鉉鉉也艾刈同

臣工一章十五句

噫嘻希

既昭假格爾

叶五

率

時農夫播厥百穀

呼駿

叶

目

發爾私終三十里

叶

亦服爾耕

十千維耦

叶

羽

古序曰噫嘻春夏祈穀于上帝也○朱子改爲戒農
官之詩非也按月令孟春天子以元日祈穀于上帝。
仲夏大雩帝以祈穀實此卽其樂歌也春秋傳曰啓
蟄而郊龍見而雩啓蟄仲春建卯之月也啓龍之宿。
皆是于東方則孟夏建巳之月也與月異然其
爲春夏同也○一噫嘻我周自后稷以來勤稼穡
以成王業爾農夫旣昭明感假于天矣我不敢失墜。
率是農夫播其百穀疾發其私田終萬夫三十里之

地無曠土也亦服爾之耕事萬夫同出無遺力也爾
惟克勤其昭假寧有已乎○噫嘻歎辭成王成就王
業也昭明也假格也大雅烝民云天監有周昭假于
下與此同爾謂農夫時是也駿大也發以耜啓土也
私私田也不及公田爲民祈也三十里萬夫之田一
夫百畝廣一步長百步曰畝四方長廣皆百步曰百
畝萬夫之田長廣各百夫也以一夫百步之長積之
三夫一里百夫三十三里也言三十里舉成數耳周
禮夫間有遂遂上有徑十夫有溝溝上有畛百夫有
洫洫上有塗千夫有澮澮上有道萬夫有川川上有

路

噫嘻一章八句○按頌皆事神之樂而不言鬼神子云務民之義敬鬼神而遠之子產云人道邇天道遠故頌于郊不言天言聖人于廟不言鬼言功德祈不言福言人事此章祈年與後章報賽皆言農夫勤劬勞苦而所謂格天事神者在其中故曰人者鬼神之會祭祀聖人務所以爲民之義而天地鬼神弗能違矣詩至頌而愈遠故曰興於詩成於樂

振鶩于飛于彼西雖我客戾止亦有斯容在彼無惡在此無斁如庶幾夙夜以永終譽

古序曰振鷺二王之後來助祭也○按武王克商封
微子于宋求禹之後得東樓公封于杞武王崩成王
誅武庚黜殷以微子爲殷後與夏之後杞皆客焉二
客來助祭則告于廟鷺白鳥也人臣精白乃心弗繙
其節似之鷺善羣西雖西京之辟雖雖和也爲無惡
數之比有斯容諷其心也○一章白鷺振羽而飛于彼
西京之辟雖我客以精白西歸羽翼王家戾止周庭
其儀容脩整似之而心思皭然可知已在彼國人情
愛戴無有怨惡者在王朝猜疑盡釋無厭數者庶幾
夙夜敬戒保此美譽長永善終矣○西西京也雖澤

也卽辟雖戾至也彼謂祀宋本國此謂周廟也

振鷺一章八句

豐年多黍多稌吐亦有高廩叶萬億及秭子爲酒爲醴
烝畀祖妣以洽百禮降福孔皆叶

古序曰豐年秋冬報也○萬物至秋冬而成且終矣
故祭以報之秋則享帝于明堂祭四方冬則祭八蜡
通用此詩故槩言報○一章黍宜高燥而寒稌宜下濕
而暑大有之年高下皆熟故黍稌多而百穀可知已
亦有高大之廩其中積貯之多萬而億億而秭以爲
酒醴進于先祖妣以備祭祀之百禮上帝百神降福

無不徧也。敢忘報乎。○春種暑熟曰黍。稌稻也。米曰
穀。穀曰倉。數萬至萬曰億。數億至億曰秭。泛言數之
多也。醴酒漿之和淳者。烝進也。畀予也。言黍稌之多。
可以備祭祀也。

豐年一章七句

有瞽有瞽。在周之庭。設業設虞。巨崇牙樹羽。應田縣鼓。

鼙

桃

磬

柷

祝

圉

語

既備

乃奏

臣

諸管

備舉

以上六句

喤

叶

厥

成

以上五句

皇厥聲肅肅和鳴。先祖是聽。我客戾止。未觀厥成。

叶與庚

古序曰。有瞽始作樂而合乎祖也。○此周公制禮作

樂成大合諸樂奏之以告于文王之廟非爲祭祀也
禮曰凡釋奠必有合也凡大合樂必遂養老此則爲
始作樂而已亦非爲釋奠養老也

○一

樂工用瞽以

目無見而聽音審也瞽非一人皆在周之廟庭非復
夏商之舊矣於是設懸樂之具橫板以爲業植木以
爲虞業上畫牙其狀崇然虞上樹以鳥羽小鼓爲應
大鼓爲田皆懸之有持柄而搖之馳有玉石之磬有
起樂之柷止樂之圉諸器既具瞽工乃奏及編竹之
簫併兩之管無不備作喤喤其聲之盛也肅焉成文
雖焉協律諧和齊鳴先祖之神降而聽之我客來問

庭者亦平情釋怨永觀其終矣○瞽樂官無目曰鼓取聽專也稱周庭明非商之舊也縣鼓懸其鼓于虞上周制也夏后氏足鼓殷人楹鼓柷以木爲之狀如漆桶中有椎投于其中而桐洞上之以起樂也圉作敵亦木爲之狀如伏虎背上刻爲三十七鉏鋗上語以木長尺櫟歷之以止樂也簫編小竹管爲之大簫二十三管長尺四寸小者十六管長尺二寸一名簴一云鳳簫其管參差如鳳翼也管如笛而小併兩管而吹我客二王後成樂終也有瞽一章十三句

猗衣與余漆沮疽潛有多魚有鱸單有鮒委鰩鰧鰐鰐鯉鯉以享以祀史以介景福叶否

古序曰潛季冬薦魚春獻鮒也○魚至冬月大寒降則性定而肥漁師始漁先薦寢廟至春王鮒來則薦鮒此其樂歌也○一美哉漆沮二水深潛之處多魚有似鮒而大之鱸有似鱣而小之鮒有白色之鱈有黃色之鱠有無鱗之鰤有三十六鱗之鯉取之以享獻祭祀以介于祖考而得大福也○鱣色黃大者重千斤一名鱗鱗鮒色青黑江東人謂之鱗大者曰王鮒小者曰鰥叔鮒世傳河南鞏縣東北山崖中有

穴通江湖鮪魚春從此來北入河西上龍門入漆沮
故漢張衡賦云王鮪岫居也鱣一作鯀色白狹而長
鱣色黃鰻一名鮎無鱗多涎鯉色赤餘詳小雅魚麗
篇介因也因祭而得福也景光大也

潛一章六句

有來雔雔至止肅肅相象維辟公天子穆穆於烏薦膚
牡相予肆祀叶假哉皇考綏予孝子宣哲維人文武維
后燕及皇天叶克昌厥後綏我眉壽叶介以繁祉旣有
烈考叶亦右文母叶

古序曰雔禘大祖也○此禘大廟之樂歌大祖周始

祖禘行於太祖廟追祀太祖所自出之帝而下逮羣廟之主節所謂大祫也合饗曰祫先公先王皆在詩獨言皇考者歸功於始禘也禮不王不禘周之有禘自武王始猶商頌五祭皆言湯以商有天下自湯始也序云大祖者后稷也詩云孝子者成王也皇考烈考者武王也文母者邑姜也稱天子辟公廣壯相祀者表大禮也魯以大夫歌鵲夫子非之於春秋書祫於詩錄雖春秋之志也鄭氏以大祖爲文王朱子因改爲武王祀文王之詩夫文王穆考世室主稱大祖則后稷何加焉武王末受命雖有王祭禮樂未興周

公成文武乃制禘作雖。故其詩亦頗似武王語。蓋後王禘祭通用也。鄭謂禘與祫殊。禘三年祫五年。禘大於四時而小於祫。此緯書之說也。夫祭未有大於禘者矣。禘帝也。三王始祖皆古帝之苗裔。王者追祭始祖所自出之帝。故曰禘。非審諱昭穆之謂也。子孫祀遠祖。豈宜太疏。莫遠於天而歲再舉。孫祭祖而五年不已疏乎。遠祖格。則羣主咸集。故曰祫。商頌濟哲。亦禘也。徧及羣公先正。卽祫也。禘惟合享。故其禮重。魯僭禘。春秋論語譏之。未言禘上有祫也。或云時祭亦有禘有祫。諸侯亦有禘有祫。夫禘之爲時祭以

禘舉于春也。祭莫大于春。其次莫大于秋。春爲歲首。
秋爲物成。魯頌閟宮曰。春秋匪解。郊特牲曰。春禘秋
嘗。祭義曰。君子合諸天道。春禘秋嘗。子云。明乎郊社
之禮。禘嘗之義。治國其如視諸掌。故禮莫大乎禘嘗
也。諸侯之有禘祫。以其亦有始祖。有合食。襲用其名
而禮非諸侯所得盡也。○章大禘舉而羣后集。來自
彼國。雖雖非勉強。至止周庭。肅肅無惰容。相助我祭
祀者。維辟公。主祀者。維天子。至敬無文。穆穆如也。於
哉辟公。薦廣大之牲。助我陳設。豈予能致此。皆大哉
皇考之賜。安我孝子也。皇考宣通明哲。立人之極。文

德武功克君之道安民之德上及皇天故能昌大其後嗣使冲人歷服綏以眉壽坐撫盈成介以繁祉今日之祭既侑食我烈考亦侑食我文母追崇罔極有自來也匪皇考烏能及此乎○相助祭也辟公諸侯也穆穆深遠也廣牡大牲也肆陳也假大也極也解見大雅文王篇綏卽燕翼也予孝子成王自稱也宣通也哲察也燕安也安上天求莫之心也眉壽眉秀則多壽也成王幼冲故詩每言壽者祝願之辭繁祉多福也右侑通勸食也烈光也母有懿範故稱文猶所謂女士也

雖一章十六句

載見辟必王曰求厥章龍旂陽陽和鈴央央鐘華有鎞
休有烈光率見昭考叶以孝以享以介眉壽叶永言保
之思皇多祐叶烈文辟公綏以多福叶俾緝熙于純嘏

古叶

古序曰載見諸侯始見乎武王廟也○按武王年八
十生成王九十三崩成王立年十有三非昔童稚也
此卽其初立朝諸侯率以見于武王廟之樂歌詩明
徵如此世儒惑于明堂恆云周公負庚踐祚七年而
後致政併強此詩爲七年後王親政作蓋據洛誥云

周公誕保文武受命。性七年而謂成王七年，周公卽洛耳。非謂七年前成王未親政也。十三歲天子尸居而又七年，則二十矣。乃始見諸侯乎？初年以流言疑忌叔父，豈幼冲無知者之所爲乎？○一章諸侯始見辟

王以辟。王新立來稟受玉章也。車上建交龍之旛，陽陽鮮明。軀前之和與旂上之鈴央央和鳴。馬轡首縷革當鸞鑣之間，鶴然有聲。來朝之儀皆太平物色，豈不休美有烈光乎？率此辟公見于昭考武王以致其孝，以行其享，以因享而得眉壽，以長保美哉！之多祐，則此多祐非自致寶爾。烈文辟公助祭，感格安我以

多福使我緝熙于純嘏耳。○載見始見也。辟玉成王也。章法度也。旂上曰鈴在鑣。曰鸞在軾。曰和央。央有鶠。皆聲也。條革非鈴而言。聲者鸞鑣之聲也。烈光之甚也。昭考武王廟居左爲昭。

載見一章十四句

有客有客亦白其馬。叶有萋有且。叶肇敦堆琢其旅。有客宿宿。有客信信。叶言受之紩。以紩其馬。叶薄言追之。左右綏雖之。夙夜夙興。無忘靡降。福孔夷

古序曰：有客微子來見祖廟也。○按武王誅紂。封微子于宋。成王誅武庚。遂命微子後殷。此其始受命來

見周廟故舉武庚事以諷之曰威曰福尋常祭享不及此辭雖頌客而亦告于廟故皆爲頌○一章有客有

客天子不以臣蓄之而禮因先代所乘馬猶之白也

其威儀萋苴然隆盛其從行之衆敦琢如金玉客至

此其宿宿乎勿遽歸也其信信乎勿一宿遂去也授

之繫以繫其馬馬留客亦留也去則追餞之左右無

方以安之旣往之事乃其禍淫之威今嘉予善人降

福甚平夷而無所猜忌矣○客指微子白殷色萋苴

盛貌敦雕也治金曰雕治玉曰琢旅從行卿大夫也

一宿曰宿再宿曰信重言者非一之意所以留之也

淫凶淫指紂與武庚也威謂誅紂討武庚也夷平也
○有客一章十二句

於鳥皇武王無競維烈叶良允文文王克開厥後叶虎嗣武受之勝殷遏劉柳叶耆定爾功叶殷

古序曰武奏大武也○按周公象武王之功爲大武之樂樂成奏于武王廟大武有舞詳見樂記此其歌也頌武而思文者昭德爲威所以大武也○一章於乎大哉武王有莫彊之功烈非徒以武功耳○一章於乎德之文王能開基貽後而文教未敷叶王嗣受之既勝殷乃樂亨戢矢止其刑殺久而後定文教大洽

治平功成武王之武何以異于文王之文乎○皇大
也遏止也剗殺也解見王風丘中有麻及大雅桑柔
篇者久也皇矣云上帝者之武王立十一年而始伐
紂成王立七年而後黜殷久而後定也

武一章七句

毛詩原解卷三十三終